

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) i Budžetom Zeničko-dobojskog kantona za 2021. godinu („Službene novine Zeničko-dobojskog kantona, broj: 7/21 i 18/21), na prijedlog Ministarstva zdravstva, Vlada Zeničko-dobojskog kantona, na 136. sjednici, održanoj dana 28.12.2021. godine, d o n o s i

ODLUKU

o raspodjeli planiranih sredstava u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti - za zdravstvo“

Član 1.

(Predmet)

(1) Planirana sredstva u Budžetu Zeničko-dobojskog kantona za 2021. godinu na poziciji 615100 - „Kapitalni transferi drugim nivoima vlasti-za zdravstvo“ u iznosu 4.058.000,00 KM (slovima: četirimiliona i pedeset osam hiljada konvertibilnih maraka) raspoređuju se u sljedećem omjeru:

- Iznos od 3.108.000,00 KM ili 76,6% raspoređuje se za redovne kapitalne transfere javnim zdravstvenim ustanovama i
- Iznos od 950.000,00 KM ili 23,4% raspoređuje se za javne zdravstvene ustanove za nabavke koje imaju kapitalni karakter, a namijenjene su sprečavanju širenja zarazne bolesti izazvane COVID- 19 i liječenju COVID -19 pozitivnih pacijenata.

(2) Planirana sredstva iz tačke (1) ove odluke u iznosu od 3.108.000,00 KM raspoređuju se u sljedećem omjeru:

- Iznos od 2.200.000,00 KM ili 70,8% raspoređuje se za redovne kapitalne transfere JU Kantonalna bolnica Zenica i
- Iznos od 908.000,00 KM ili 29,2% raspoređuje se za redovne kapitalne transfere ostalih javnih zdravstvenih ustanova.

(3) Planirana sredstva iz tačke (1) ove odluke u iznosu od 950.000,00 KM raspoređuju se u sljedećem omjeru:

- Iznos od 800.000,00 KM ili 84,2% raspoređuje se za kapitalne transfere JU Kantonalna bolnica Zenica i
- Iznos od 150.000,00 KM ili 15,8% raspoređuje se za kapitalne transfere ostalih javnih zdravstvenih ustanova.

Član 2.

(Analitička konta)

Sredstva iz člana 1. ove odluke utrošit će se prema Programu utroška sredstava planiranih u Budžetu Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21 i 18/21) na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

Član 3.

(Izvještavanje)

Ministarstvo zdravstva je dužno izvjestiti Vladu Zeničko-dobojskog kantona o namjenskom utrošku sredstava po programu utroška sredstava koji će se donijeti na osnovu ove odluke.

Član 4.
(Provođenje Odluke)

Za provođenje ove odluke zadužuju se Ministarstvo zdravstva i Ministarstvo finansija, svako u okviru svoje nadležnosti.

Član 5.
(Stavljanje van snage)

Donošenjem ove odluke stavlja se van snage Odluka o raspodjeli planiranih sredstava u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti- za zdravstvo“ („Službene novine Zeničko-dobojskog kantona”, broj: 10/21).

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“, a stavlja se van snage Odluka o raspodjeli planiranih sredstava u Budžetu Zeničko-dobojskog kantona za 2021. godinu na poziciji „Kapitalni transferi drugim nivoima vlasti- za zdravstvo“ („Službene novine Zeničko-dobojskog kantona”, broj: 10/21).

PREMIJER

Mirnes Bašić

Broj: 02-11-17267/21

Datum, 28.12.2021. godine

Zenica

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“

1x a/a.